

মুসক পরামর্শক লাইসেন্স প্রাপ্তির লক্ষ্যে আত্মহী ব্যক্তির নিকট হতে আবেদনপত্র আহ্বান

মূল্য সংযোজন কর ও সম্পূরক শুল্ক আইন, ২০১২ এর ধারা ১৩০ এর উপ-ধারা (১) এর বিধান অনুযায়ী কোন কার্যধারায় কোন করদাতার পক্ষে প্রতিনিধিত্ব করা বা তাকে পরামর্শ প্রদানের জন্য চার্টার্ড একাউন্টেন্ট বা চার্টার্ড সেক্রেটারী বা লাইসেন্সধারী মুসক পরামর্শকগণের মধ্য হতে যেকোন ব্যক্তিকে নিয়োগ করা যাবে। উপধারা (২) অনুযায়ী উপ-ধারা (১) এর উদ্দেশ্য পূরণকল্পে, মুসক পরামর্শক হিসাবে কার্যক্রম পরিচালনা করতে আত্মহী প্রত্যেক ব্যক্তি, নির্ধারিত পদ্ধতি ও শর্তে, বোর্ডের নিকট আবেদন করলে মুসক পরামর্শক লাইসেন্সিং বিধিমালা, ২০১৯ এ নির্ধারিত পদ্ধতি ও শর্তে, উক্ত ব্যক্তিকে মুসক পরামর্শকের লাইসেন্স প্রদান করা হবে।

(২) মুসক পরামর্শক লাইসেন্স প্রাপ্তির জন্য আবেদনকারীর নিম্নবর্ণিত যোগ্যতা থাকতে হবে, যথা:-

(ক) বাংলাদেশের নাগরিক হতে হবে;

(খ) আবেদনের তারিখে বয়স অন্ত্যন ২৫ (পঁচিশ) বৎসর হতে হবে;

(গ) কোনো স্বীকৃত বিশ্ববিদ্যালয় হতে যেকোনো বিষয়ে স্নাতক বা সমমানের ডিগ্রিধারী হতে হবে;

(ঘ) মুসক নিবন্ধিত বা তালিকাভুক্ত হতে হবে; এবং

(ঙ) মুসক বিভাগে জাতীয় বেতন স্কেলের নবম গ্রেডের নিম্নে নন এমন পদে ন্যূনতম ৫ (পাঁচ) বছর কাজ করার অভিজ্ঞতাসম্পন্ন অবসরপ্রাপ্ত কর্মকর্তা বা ৫ (পাঁচ) বছরের অভিজ্ঞতাসম্পন্ন চার্টার্ড একাউন্টেন্ট বা চার্টার্ড সেক্রেটারীগণকে পরীক্ষায় অংশগ্রহণ ব্যতীত আবেদন প্রাপ্তি সাপেক্ষে লাইসেন্স প্রদান করা হবে।

(৩) নিম্নবর্ণিত যেকোনো ব্যক্তি মুসক পরামর্শক লাইসেন্স পাওয়ার জন্য অযোগ্য বলে বিবেচিত হবেন, যথা:-

(ক) সরকারি, আধা-সরকারি, স্বায়ত্বশাসিত বা স্থানীয় কর্তৃপক্ষের অধীনে চাকুরি হতে অপসারিত, বরখাস্তকৃত বা বাধ্যতামূলকভাবে অবসরপ্রাপ্ত কোন ব্যক্তি;

(খ) ফৌজদারী অপরাধে সাজাপ্রাপ্ত ব্যক্তি, যার সাজা ভোগ শেষ হওয়ার পর ৫ (পাঁচ) বৎসর সময় অতিবাহিত হয়নি; এবং

(গ) ইতঃপূর্বে যার মুসক পরামর্শক, ক্লিয়ারিং ও ফরোয়ার্ডিং, ফ্রেইট ফরোয়ার্ডার্স, কুরিয়ার সার্ভিস এজেন্ট, শিপিং এজেন্ট বা আয়কর পরামর্শকের লাইসেন্স বাতিল করা হয়েছে এমন কোন ব্যক্তি।

(৪) উল্লিখিত যোগ্যতাসম্পন্ন কোনো ব্যক্তিকে মুসক পরামর্শক হিসেবে নিয়োগ প্রাপ্তির লক্ষ্যে মুসক পরামর্শক লাইসেন্সিং বিধিমালা, ২০১৯ অনুযায়ী মুসক ফরম ১৮.১ এ জাতীয় রাজস্ব বোর্ডে আবেদন করতে হবে।

(৫) মুসক পরামর্শক লাইসেন্সের জন্য আবেদনপত্রের সাথে আবেদনকারীকে নিম্নবর্ণিত দলিলাদি দাখিল করতে হবেঃ

(ক) বয়স নির্ধারণের জন্য এসএসসি বা সমমানের পরীক্ষার সত্যায়িত সনদ;

(খ) ০৩ (তিন) কপি পাসপোর্ট আকারের সত্যায়িত ছবি;

(গ) শিক্ষাগত যোগ্যতা বা প্রযোজ্য ক্ষেত্রে, অভিজ্ঞতার সনদের সত্যায়িত কপি;

(ঘ) জাতীয় পরিচয়পত্রের সত্যায়িত কপি; এবং

(ঙ) মহাপরিচালক, কাস্টমস, এক্সাইজ ও ভ্যাট ট্রেনিং একাডেমি এর অনুকূলে পরীক্ষার ফি হিসেবে ১০ (দশ) হাজার টাকা মূল্যমানের পে-অর্ডার।

(৬) অসম্পূর্ণ কোন আবেদনপত্র বাতিল বলে গণ্য হবে।

(৭) অর্ধবার্ষিক ভিত্তিতে প্রাপ্ত আবেদনপত্র জাতীয় রাজস্ব বোর্ড, মহাপরিচালক, কাস্টমস, এক্সাইজ ও ভ্যাট ট্রেনিং একাডেমিতে প্রেরণ করবে।

(৮) মহাপরিচালক, কাস্টমস, এক্সাইজ ও ভ্যাট ট্রেনিং একাডেমি প্রতি বছর জানুয়ারি-জুন মেয়াদে প্রাপ্ত আবেদনের ভিত্তিতে আগস্ট বা সেপ্টেম্বর মাসে এবং জুলাই-ডিসেম্বর মেয়াদে প্রাপ্ত আবেদনের ভিত্তিতে ফেব্রুয়ারি বা মার্চ মাসে লিখিত ও মৌখিক পরীক্ষা গ্রহণ করবেন।

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
(মূসক বাস্তবায়ন ও আইটি)
রাজস্ব ভবন, সেগুনবাগিচা, ঢাকা।

‘গণবিজ্ঞপ্তি’

মূসক এজেন্ট সনদপত্র প্রাপ্তির লক্ষ্যে আগ্রহী ব্যক্তির নিকট হতে আবেদনপত্র আহ্বান

মূল্য সংযোজন কর ও সম্পূরক শুল্ক আইন, ২০১২ এর ধারা ১৯ অনুযায়ী কোন অনাবাসিক ব্যক্তি অর্থনৈতিক কার্যক্রম পরিচালনা না করলে তাকে একজন মূসক এজেন্ট নিয়োগ করতে হবে। মূসক এজেন্ট নিয়োগের লক্ষ্যে যোগ্য প্রার্থীদের নিকট হতে আবেদন আহ্বান করা যাচ্ছে। মূসক এজেন্ট হিসেবে আবেদন করার জন্য যোগ্যতা নিম্নরূপ :

- (ক) মূল্য সংযোজন কর ও সম্পূরক শুল্ক আইন, ২০১২ এর ধারা ১৩০ এর অধীন নিযুক্ত মূসক পরামর্শক;
 - (খ) ইন্সটিটিউট অব চার্টার্ড একাউন্ট্যান্টস অব বাংলাদেশ (আইসিএবি) এর সদস্য হিসাবে নিবন্ধিত চার্টার্ড একাউন্ট্যান্ট;
 - (গ) ইন্সটিটিউট অব কস্ট অ্যান্ড ম্যানেজমেন্ট একাউন্ট্যান্টস অব বাংলাদেশ (আইসিএমএবি) এর সদস্য হিসেবে নিবন্ধিত একাউন্ট্যান্ট;
 - (ঘ) বাংলাদেশ বার কাউন্সিল এর সদস্য হিসাবে নিবন্ধিত কোনো আইনজীবী;
 - (ঙ) সহকারী কমিশনার পদমর্যাদার নিম্নে নন, মূল্য সংযোজন কর বিভাগের এমন কোনো অবসরপ্রাপ্ত কর্মকর্তা;
 - (চ) ফেডারেশন অব বাংলাদেশ চেম্বার অব কমার্স অ্যান্ড ইন্ডাস্ট্রিজ (এফবিসিসিআই) কর্তৃক মনোনীত বেসরকারি খাতের বিশেষজ্ঞ ব্যবসায়ী প্রতিনিধি।
 - (ছ) চার্টার্ড সেক্রেটারিজ আইন, ২০১০ এর ধারা-২ এর দফা (৬) এ সংজ্ঞায়িত চার্টার্ড সেক্রেটারি।
- ২। উল্লিখিত যোগ্যতাসম্পন্ন কোনো ব্যক্তিকে মূসক এজেন্ট হিসেবে নিয়োগ প্রাপ্তির লক্ষ্যে মূল্য সংযোজন কর ও সম্পূরক শুল্ক বিধিমালা, ২০১৬ এর নির্ধারিত ফরম “মূসক-৩.১” এ মহাপরিচালক, কাস্টমস, এক্সাইজ ও ভ্যাট ট্রেনিং একাডেমি, সাগরিকা রোড, পাহাড়তলী, চট্টগ্রামে আবেদন করতে হবে।
- ৩। মূসক এজেন্ট সনদপত্র প্রাপ্তির আবেদনের সাথে আবেদনকারীকে নিম্নবর্ণিত দলিলাদি দাখিল করিতে হবে, যথা-
- (ক) মূল্য সংযোজন কর বা টার্নওভার কর সনদপত্রের কপি;
 - (খ) ০৩ (তিন) কপি পাসপোর্ট আকারের ছবি;
 - (গ) সর্বোচ্চ শিক্ষাগত যোগ্যতার সনদের কপি;
 - (ঘ) জাতীয় পরিচয়পত্রের কপি;
 - (ঙ) মহাপরিচালক, কাস্টমস, এক্সাইজ ও ভ্যাট ট্রেনিং একাডেমি এর অনুকূলে পরীক্ষার ফি হিসেবে ১০ (দশ) হাজার টাকা মূল্যমানের পে অর্ডার; এবং
 - (চ) মূল্য সংযোজন কর ও সম্পূরক শুল্ক বিধিমালা, ২০১৬ এর বিধি-১৬ তে উল্লিখিত যোগ্যতা প্রমাণের স্বপক্ষে সংশ্লিষ্ট দলিলাদি।
- ৪। অসম্পূর্ণ কোন আবেদনপত্র বাতিল বলে গণ্য হবে।
- ৫। মহাপরিচালক, কাস্টমস, এক্সাইজ ও ভ্যাট ট্রেনিং একাডেমি প্রতি বছর জানুয়ারি-জুন মেয়াদে প্রাপ্ত আবেদনের ভিত্তিতে আগস্ট বা সেপ্টেম্বর মাসে এবং জুলাই-ডিসেম্বর মেয়াদে প্রাপ্ত আবেদনের ভিত্তিতে ফেব্রুয়ারি বা মার্চ মাসে লিখিত ও মৌখিক পরীক্ষা গ্রহণ করবেন।